

SECTION

5

SUSUTWERE



ƆKASA DWUMADIE

Asante Twi Twerɛbea Ho Mmara

NNIANIMU

Saa ɔfa yi kasa fa susutwere ahodoɔ no ho. Enye Asante Twi kasa mu nko na susutwere ho nimdee hia na mmom, eho hia wɔ adesua ahodoɔ bi te se Borɔfo kasa ne Abakɔsem sua mu nso.

Adesua yi beko awiee no, na wotumi:

1. Twerɛ amannebo susutwere
2. Twerɛ sukyere susutwere
3. Twerɛ akwankyere susutwere

Adwempɔ Ahodoɔ

- Susutwere ye eberɛ a onipa bi fa atwerɛ ekwan so da ne tirimpɔ adi fa asentitire bi ho.
- Wobesua biribi afa susutwere ahodoɔ mmiensa ho:
 - o Amannebo susutwere ye ekwan a yenam atwerɛ so bo amannee fa asem bi a asi ho.
 - o Sukyere susutwere ye susutwere a yetwerɛ fa adeɛ bi ho de kyerekyere sɛdeɛ dekodeɛ no su si tee pɔtee. Se ebia adeɛ bi, onipa, beaɛɛ, osuahunu, atenka, tebea, ne deɛ ekeka ho.
 - o Akwankyere susutwere nso ye eberɛ a yenam atwerɛ so kyerekyere ekwan a yefa so ye biribi pɔtee. Ekyerekyere ekwan anaa nimdee pɔtee a yefa so di dwuma bi anaa yɔ biribi.
- Susutwere ahodoɔ no mu biara wɔ nhyehyee sononko bi a ɛda emu biara adi.

ADESUA YI MU NSENTITIRE

Yɛaka saa atifiasɛm yi afa ahodoɔ no bi ho aɛm wɔ adesua a atwam no bi mu. Wokae deɛ yɛka faa Asentitire Nnyinasoɔ Kasamu ho no? Edeɛn ne nkyerɛkyerɛmu kasamu?

Sɛ wo ne w'afɛfoɔ kyɛ adwene wie a, twerɛ w'ankasa wo nkyerɛkyerɛmu.

Afei, fa wo mmuaɛɛ no toto nkyerɛkyerɛmu a ɛwɔ fam ha no ho.

Asentitire Nnyinasoɔ Kasamu

Asentitire Nnyinasoɔ Kasamu yɛ ɔkasamu a ɛde asentitire a ɛwɔ kasapɛn no mu to dwa. ɛnna Nkyerɛkyerɛmu kasamu nso yɛ ɔkasamu a ɛkyerɛkyerɛ Asentitire Nnyinasoɔ Kasamu no mu.

Susutwerɛ

Ansa na wobɛtumi atwerɛ susutwerɛ no, wohia emu nimdeɛ amapa. ɛsɛ sɛ wotumi hyehyɛ adwene ahodoɔ no yie wɔ kasapɛn biara mu. Yɛɛtumi ayɛ yɛi wɔ bere a yɛhyehyɛ anaa yɛrekeka adwene ahodoɔ a ɛsɛsɛ no abobom wɔ nnidisoo nnidisoo kwan so wɔ bere a yɛde adansedideɛ, mfonɪ, ntotoho ne deɛ ɛkeka ho redi dwuma.

Susutwerɛ yɛ ɛberɛ a onipa bi fa atwerɛ ɛkwan so da ne tirimpɔ adi fa asentitire bi ho.

Susutwerɛ biara de aɛmpɔ bi to dwa.

Susutwerɛ ahodoɔ mmiɛnsa na yɛbɛka ho aɛm. Deɛ yɛbɛdi kan aka ho aɛm ne Amannebo Susutwerɛ.

Amannebo Susutwerɛ

Amannebo susutwerɛ yɛ ɛkwan a yɛnam atwerɛ so bo amanneɛ fa aɛm bi a asi ho.

Amannebo susutwerɛ mu nɛm tumi yɛ bɔsrɛmka anaa biribi a asi pɔtee.

Amannebo susutwerɛ mu no, yɛhyehyɛ nɛm no nnidisoo nnidisoo kwan so na yɛtaa de edinnsiananmu kuo a ɛdi kan (me, yɛn) na ɛdi dwuma wɔ n'atwerɛ mu.

Wɔde twam kabea, adwene mu mfonɪ ne kasasu ahodoɔ na ɛtwerɛ Amannebo susutwerɛ mu dodoɔ no ara de twe akenkanfoɔ adwene.

Amannebo susutwere atifiaseɗ ho nhwesoo:

- Twere abaseɗ fa eɗa a eɗi kan a wokoo sukuu ho.
- Seɗee medii akwamma a etwaa mu no.
- Adeɗ titire a matumi aye wo m'abrabo mu a m'ani gye ho pa ara.
- Twere abaseɗ bi fa osuahunu a wonya firii mfomsoo bi a woyee mu.

Dwumadie 5.1

Baanu Baanu adwuma: Montwere Asentitire Nnyinasoo Kasamu ne Nkyerekyeremu kasamu mmienu mfa atifiaseɗ yi ho; *Awodadie*

Dwumadie 5.2

Kenkan abaseɗ a ewo fam ho no na fa w'ankasa nsemfua twere Amannebo susutwere su ahodoɗ a ewowom no.

<https://open.library.okstate.edu/internationalcomposition/chapter/unique-characteristics-of-the-narrative-essay/>

Ekua adwuma: Gyina nimdee a woanya fa saa adesua yi ho so na pensempenseɗ nimdee a wosusu se eho hia wo seɗee yesi hyehye adwene ahodoɗ wo kasapeɗ mu no ho.

Amannebo susutwere nhyehye: Amannebo susutwere wo nhyehye sononko a eboa ma yetumi hyehye emu nsem no yie.

Kenkan abaseɗ a ewo ha yi <https://mhcc.pressbooks.pub/app/uploads/sites/31/2021/07/Narrative-Essay.pdf>

Dwumadie 5.3

Montena akuakuo na monkeye nimdee ahodoɗ a monya firii akenkan no mu no.

Momfa deɗ mosua firii akenkan no mu no ntoto amannebo susutwere nhyehye ahodoɗ a eɗidi soo yi ho. Nhyehye ahodoɗ no ne **nnianimu**, **aseɗ no ankasa** enna **awiee**.

Nnianimu

Yei na etwe akenkanfoɔ adwene kɔ abasem no soɔ. Mpen pii no, yede asemmisa, akontabuo anaa okasamu a etwe akenkanfoɔ adwene na efiti aseɛ.

Abasem no ho nnyinasosem a ehia se akenkanfoɔ hunu no nso da adi wo nnianimu no mu.

Okasamu a eye amannebo susutwere no fapem nso betumi apue wo nnianimu no mu.

Asem no Ankasa

Eha yi na otwerefɔɔ no do asuko de kyerekyere okasamu a eye amannebo susutwere no fapem no mu.

Amannebo susutwere mu adwene ahodoɔ no, yehyehye no nnidisoɔ nnidisoɔ wo kasapen kwan so wo saa ofa yi mu.

Ese se kasapen biara nya Asentitire Nnyinasoɔ Kasamu wo n'ahyaseɛ. Afei, ese se esan nso nya okasamu a ekyerɛ se worefiri saa kasapen no so ako kasapen foforo so wo saa kasapen no awieeɛ ho.

Awieeɛ

San twere okasamu a eye amannebo susutwere no fapem no

San hwe adwempɔ ahodoɔ no mu wo ofa yi mu

Twere okasamu a etwa toɔ a ebo amannebo susutwere no mu adwempɔ ahodoɔ no nyinaa tofa

Dwumadie 5.4

1. Montena baanu baanu na montwere nneema ahodoɔ a ese se eba wo amannebo susutwere nhyehyee a eto so mmienu a eye **asem no ankasa** mu ma mo ne afoforo nkye eho nimdee.
2. Montena akuakuo na montwere kasapen ahodoɔ mmiensa mfa afahye bi a moahwe pen ho. Kenkan adesuafoɔ nkaee no na mompensempensem emu nsem nhyehyee no mu.
3. Montena akuakuo na monkenkan abasem a ewo fam ho no na momfa nhwehwe adwempɔ a ewo kasapen biara mu, ne ekwan ahodoɔ a otwerefɔɔ no faa so de twee akenkanfoɔ no adwene koo susutwere no mu nsem so.

Mekɔ sokuupɔn mu no, na eberɛ biara, mebɔ me ho mmɔden pa ara wɔ adesua mu. Me mame ye prɔfɛsa wɔ sokuupɔn mu enna me papa nso ye ɔkyerekyerɛfoɔ. Ne saa nti no, wɔde adesua hyɛɛ me mu wɔ berɛ a na mesua pa ara. Eberɛ a na mewɔ adantam sukuu mu no (a eye fapem ma daakye ntoasɔ sukuu adesuafoɔ), menyaa ɔhaw wɔ berɛ a medii nkoguo wɔ adesua bi a na mebɔ me ho mmɔden wɔ mu pa ara wɔ sɔhwɛ-twerɛ mu.

Nkogudie.

Yei ne atenka a menyaa wɔ me mu.

Mema m'awofoɔ ne ne titire, m'ankasa nsa sii fam. Yei maa hu kɛsɛɛ bi kaa me da mu no nyinaa maa mebisaa me ho sɛ, yei betumi anya nsunsuansɔ bɔne bi wɔ me daakye nwomasua so anaa? Yei remma mentumi nnya sokuupɔn mu akwannya anaa? Ansa na ɔhaw no bebene me sɔ no, mekɔgyee afotuo firii m'awofoɔ ne me fotufoɔ hɔ. Wɔnam wɔn adom ne wɔn nteaseɛ so yii me firii ɔsɛɛ amena mu na akyire yi no, mehunu sɛ, biribiara beye yie.

Ampa ara, sɔhwɛ-twerɛ mu nkogudie ye adeɛ a etumi nya nsunsuansɔ bɔne wɔ nnipa so nanso metumi bɔ mmɔden nya ɔkyerekyerɛfoɔ a ɔbekyerɛ me adeɛ wɔ me nna a aka wɔ sukuu mu no a, ebeboa ama deɛ esiɛ no rensi bio na ebesan ama me mmɔdemmo akɔ ekan.

Mehunu sɛ nkogudie ka onipa abrabɔ ho na mmom, ekwan a yɛfa so pɛ ɔhaw no pomasibere na ekyerɛ yen nkonimdie wɔ saa ɔhaw no so. Bio, mehunu hia a eho hia sɛ yɛpɛ mmoa firi afoforɔ hɔ. Enam me kyerekyerɛfoɔ no mmoa so maa menyaa adesua no mu nteaseɛ yie na enam so maa me mmɔdemmo wɔ saa adesua no mu kɔ ekan. Yei maa mehunu ekwan a mɛfa so agyina ɔhaw bi ano a emfa ho ne sɛdeɛ me haw no ano den si tɛ. Enam saa osuahunu a menyaa wɔ ntoasɔ sukuu mu no so maa me hyɛbrɛ sesaɛ a aboa ama mabeye sɛdeɛ mete enne yi. M'ani agye saa osuahunu ahodoɔ a manya no ho ne mpontuo a enam so ama manya wɔ saa ɔhaw yi mu

Sukyere Susutwɛɛ

Edeɛn ne Sukyerɛ Susutwɛɛ?

Sukyere susutwɛɛ ye susutwɛɛ a yetwɛɛ fa adeɛ bi ho de kyerekyerɛ sɛdeɛ dekodeɛ no su si tɛ pɔtɛɛ, sɛ ebia, adeɛ bi, onipa, beaɛɛ, osuahunu, atenka, tebea, ne deɛ ekeka ho ho sɛdeɛ ebeye a ɔkenkanfoɔ no behunu adeɛ pɔtɛɛ a yereka ho asem no yie. Eɛ sɛ yɛhyehye emu nsem no yie na yede nsemfua a ebetwe akenkanfoɔ no adwene adi dwuma wɔ mu.

Sukyerε susutwerε Nhyehyεε

Sukyerε susutwerε nhyehyεε te sε amannebɔ susutwerε nhyehyεε a yesuaεε no ara.

- i. Nnianimu:** Eεε sε nnianimu no da deε ɔtwerefoɔ no rebekasa afa ho no adi. Nsem a εtwe akenkanfoɔ adwene kɔ sukyerε susutwerε no soɔ bi te sε ampemmuεε asemmisa ho hia wɔ ha pa ara.
- ii. Asem no Ankasa:** Eha na yekyerεkyerε adwempɔ ahodoɔ no mu. Eεε sε Asentitire Nnyinasoɔ Kasamu no boa ma adwempɔ a εwɔ kasapen biara mu no da hɔ fann na atumi atwe akenkanfoɔ no adwene aba dwumadie no so. Eεε sε yede kasapen foforo di dwuma wɔ bere a yereda adwempɔ foforo bi adi.
- iii. Awieεε:** San twerε susutwerε no nnyinasoɔ anaa ne botaeε a wokaa ho asem wɔ nnianimu hɔ no ne adwempɔ ahodoɔ a εda adi wɔ asem no ankasa mu no bom wɔ ha.

Sukyerε Susutwerε atifiasεm ho nhwesoo ahodoɔ:

- Kyerεkyerε sini a wope ne hwe pa ara mu.
- Kyerεkyerε sεdeε ahofadie ne aten teneneε si tee mu.
- Kyerεkyerε sεdeε nwoma bi a w'ani gye ho pa ara si tee.
- Kyerεkyerε sεdeε ekwan a εdi kan a wotu kɔɔ amanɔne no si tee.
- Kyerεkyerε sεdeε w'adamfo a wope n'asεm pa ara si tee.

Dwumadie 5.5

1. Gyina deε woasua yi so na fa kyerekyere sukyerε susutwerε ase. Edeen na εma sukyerε susutwerε da nso firi amannebɔ susutwerε ho?

- a. Afei, hwe mfonɔ no na kenkan deε wɔatwerε wɔ aseε hɔ no na wo ne w'afefoo nkye adwene mfa sukyerε susutwerε su ho. Sukyerε susutwerε su no mu deε εwɔ he na wosusu sε εho hia pa ara na aden ntira?

A descriptive essay - Search (bing.com)

Sukyerε susutwerε su ahodoɔ no mu bi na εwɔ fam ha yi:

- Eεε sε nsem no mu da hɔ fann ma ɔkenkanfoɔ no. Eεε sε nsem a yede to dwa no nyinaa ne adwempɔ no kɔ pε.

- Fa kasasu ahodoɔ nso di dwuma wɔ atwere no mu. Yei kyere se, ɔtwerefoɔ no de nnyinahɔma, nsenkyerennɛɛ a ekasa ne deɛ ekeka ho kyerekyere adeɛ a ɔreka ho asem no mu ma akenkanfoɔ no hunu adeɛ pɔtee a ɔreka ho asem no.
- Fa nsemfua ahodoɔ a ebeboa ama ɔkenkanfoɔ no ani agye adeɛ a worekyerekyere mu no ho di dwuma.

Dwumadie 5.6

Kenkan akwan ahodoɔ a yɛfa so twere sukyere susutwere a edidi soɔ yi;

1. Deɛ edi ekan no, yɛ nhwehwemu fa atifiasɛm a wɔde ama wo no ho na baabae adwene ahodoɔ ahodoɔ no mu. Boaboa nsemfua anaa nsem bi a wobɛpɛ sɛ wode bedi wo dwuma no ano.
2. Deɛ etɔ so mmienu, twere wo dwumadie nhyehyɛɛ no atrapoeatrapoe kwan so fa deɛ wobɛka no ho nnidisoɔ nnidisoɔ.
3. Deɛ etɔ so mmiensa, twere w'asentitire nnyinasoɔ kasamu ma kasapɛn biara.
4. Deɛ etwa toɔ, kenkan wo susutwere no mu na yɛ nsiesie a efata. Yei beboa ama woatumi asiesie mfomsɔɔ a woayɛ wɔ wo susutwere no mu nyinaa.

Wode biribi foforo bi bɛka yeinom ho anaa? Nneema nan yi mu deɛ ewɔ he na wosusu sɛ eho hia pa ara wɔ bere a woretwere sukyere susutwere?

Dwumadie 5.7

1. Montena akuakuo na momfa kasapɛn ahodoɔ mmiensa ntwere sukyere susutwere mfa atifiasɛm 'Kyerekyere sɛdeɛ Ghana nsase bɔbea no si tee' yi ho na pensɛmpensɛm nimdeɛ ahodoɔ a eboaa wo maa wotwereɛ saa susutwere yi mu. Kae sɛ wobɛka wo susutwere no ne nimdeɛ ahodoɔ a eboaa wo maa wotwereɛ wo susutwere no ho asem akyere w'afɛfoɔ no nyinaa.
2. Yɛ ntotoho fa amannebɔ susutwere ne sukyere susutwere mu nsem ho. Wo ne w'afɛfoɔ nkyɛ wo mmuaɛɛ.

Akwankyerε Susutwerε

Akwankyerε Susutwerε da nimdee foforo bi adi fa atifasem bi ho kyere okenkanfo no. Eboa ma okenkanfo no nya nteasee a emu do, nkyerese kann anaa nkyerεkyerεmu amapa fa atifasem potee bi ho.

Akwan ahodo a yefa so twere Akwankyerε Susutwerε

Se wobetumi atwere akwankyerε susutwerε amapa a, eho hia se wobεnya nteasee a emu do wo atifasem a wode ama wo no ho.

Akwankyerε Susutwerε atifasem ho nhweso ahodo:

1. Kyerεkyerε ekwan a yefa so nwonon kentan.
2. Kyerεkyerε ekwan a wofa so yi akannifo wo wo sukuu mu.
3. Nkwan a w'adamfo bi pe pa ara ne abekwan nanso onnim ye. Kyerεkyerε no sɛdee yesi ye no.
4. Sen na yesi ye afuo?
5. W'adamfo bi pe se obesra wo wo wo sukuu mu. Kyere no ekwan.

Woretwerε akwankyerε susukyerε a, eho behia se wobedi saa atrapoe ahodo yi so:

- a. Kenkan asemmisa anaa atifasem no yie.
- b. San kenkan nimdee a woasua afa akwankyerε susutwerε ho no mu. Se wonte biribi ase a, bisa wo kyerekyerεfo na onkyerεkyerε mu yie nkyere wo. Wobetumi nso aye nhwehwemu afa atifasem no ho wo abeefo ntontanfie so anaa nwoma ahodo mu de ape ho nimdee.
- c. Kyekye dwumadie no mu nketenkete sɛdee ebeye a wobεnya mu nteasee yie
- d. Ye wo susutwerε no ho nhyehyε amapa (hwe dee ewo fam ho no).
- e. Twere okasamu a eye akwankyerε susutwerε no fapem no na hyehye wo nnianimu no yie fa hye wo dwumadie no ase.

Nwennweneho dwumadie: Se wokenkan atrapoe ahodo a yefa so twere akwankyerε susutwerε no wie a, kyere emu dee eho hia pa ara a ebeboa wo ama woaye ahoboa amapa wo akwankyerε susutwerε twere ho.

Akwankyerε Susutwerε ho Nhyehyε Ahodo

Akwankyerε Susutwerε ho nhyehyε ahodo na edidi so yi:

Nnianimu

Di ekan twere w'atifikasem no ne okasamu a eye akwankyerere susutwere no fapem no na fa bo dee worebeka ho asem no tofa.

Asem no Ankasa

Yei taa ye kasapen mmiensa nanso etumi boro saa wo eberere a wo susutwere no ware pa ara. Eha na wokyerekerere wo nsem, adwene ahodoa anaa atifikasem no mu yie. Ese se kasapen biara kyerekerere adwempa koro pe mu. Yei beboa ama wo susutwere no mu ada ho fann. Eho hia se twaka beda kasapen biara ne okasamu a eye akwankyerere susutwere no fapem a ewo nnianimu kasapen no ntam.

Awiee

Akwankyerere susutwere awiee no bo atifikasem no ho mpensempensemu no nyinaa tofa

Yei ye ekwan a yefa so de akwankyerere susutwere dwumadie no nyinaa ba awiee. Ebo nkyerekereremu ahodoa a okasamu a eye akwankyerere susutwere no fapem no de to dwa ne kasapen ahodoa a ewo asem no ankasa mu no tofa.

Kenkan abasem no na montena baanu baanu mpensempensem akwankyerere susutwere su mu <https://www.quora.com/What-are-the-characteristics-of-an-expository-essay>

Dwumadie 5.8

1. Kyerekerere susutwere mu. Wo ne w'afefoa nkye wo mmuaee no.
2. Montena baanu baanu nkenkan susutwere nhwesoa no na momfa mpensempensem akwankyerere susutwere mu. Wo ne w'afefoa nkye wo mmuaee no.
<https://assets.myperfectwords.com/blog/expository-essay/expository-essay-examples/expository-essay-example-grade-7-pdf.pdf>
3. Montena baanu baanu na mompensempensem akwan ahodoa a yefa so twere akwankyerere susutwere. Wo ne w'afefoa nkye wo mmuaee no.
4. Fa kasapen mmiensa twere akwankyerere susutwere fa atifikasem 'Kyerekerere akwan ahodoa a yefa so di aboaker afahye' no ho na fa ma wo yonko nnyina so nhwehwe akwankyerere susutwere su ahodoa a ewowom, na se obetumi a, onkasa mfa ne nhyehyee ahodoa no ho.

5. Montena akuakuo na monye ntotoho mfa sukyere susutwere su ne akwankyere susutwere su ho. Mo ne mo mfefoɔ nkye adwene wɔ ho.

MMOAKYIRE NSEMMISA

1. Fa kasapen baako twere amannebo susutwere na kyere Asentitire Nnyinaso Kasamu ne nkyerekyeremu kasamu ahodoa a ewom.
2. Fa w'ankasa nsemfua kyerekyere amannebo susutwere mu.
3. Kyerekyere akwan ahodoa a wobefa so atwere amannebo susutwere atifiasem yi *Osuahunu kese wɔ m'abrabo mu*.
4. Pensempensem amannebo susutwere nhyehyee no mu. Fa wo mmuaee no to w'afefo no anim.
5. Fa kasapen ahodoa mmiensa twere saa susutwere atifiasem yi *Akwantuo sononko bi a metuiɛ* na pensempensem ne su ahodoa no mu. Kyere Asentitire Nnyinaso Kasamu a ewo kasapen no biara mu.
6. Twere atrapoe ahodoa a wobegyina so de atwere saa susutwere atifiasem yi ' *Twere wo sukuu ho asem* '. Mma wo were mfiri se wode susutwere yi nhyehyee ne ne su bedi dwuma.
7. Fa kasapen mmiensa anaa dee eboro saa twere sukyere susutwere atifiasem yi ' *M'adamfo a mepɛ n'asem pa ara wɔ ewiase yi mu ho asem* '. Fa sukyere susutwere ho nhyehyee no di dwuma.
8. Edeen ne akwankyerɛ susutwerɛ?
9. Fa kasapen mmiensa twere akwankyerɛ susutwerɛ fa atifiasem *Kyerekyere sedee yesi nwono kenten*. Pensempensem ne nhyehyee no mu.
10. Ye ntotoho fa amannebo susutwere ne akwankyerɛ susutwerɛ ho. Twere nneema a esese ne dee eye sononko wɔ won ntam.

REFERENCES

1. Ackley, E. et al (1986) *Macmillan English 12* Macmillan Publishing Company 886 Third Avenue New York, NY 10022
2. Crew, F. (1987), *The Random House Handbook* (5th Edition) McGraw. Hill Publishing Company New York
3. MacGraw Hill, G. (2000) *Grammar and Composition Handbook* McGraw-Hill Publishing Company
4. Grieve D. W., and Pratt, K (1971), *Certificate English Language*, Western Printing Service Ltd., Bristol
5. Herfferman, A.W and Lincoln, J.E. (1982), *Writing, A College Handbook*, Third Ed. W.W. Norton & Company Inc. London
6. Marius, R. & Wiener H.S. (1988), *College Handbook* (2nd edition) The McGraw – Hill Publishing Company.

EXTENDED READING

1. Read for further knowledge: <https://www.grammarly.com/blog/expository-essay/>
2. Denenga, M. S. (2019). *Writing Mastery: Expository Essay: Expository Essay*. Munaii
3. Josephine, E. (2020). *Narrative Essay* <https://doi.org/10.13140/RG.2.2.29485.03041>
4. Lee, K. (2020). *How to write great essays*. Calvin Lee
5. For more on narrative essay https://www.researchgate.net/publication/338778494_Narrative_Essay
6. Read for further clarification <https://myperfectwords.com/blog/descriptive-essay>
7. Neumann, J. (2016). *A professor's guide to writing essays: The no-nonsense plan for better writing*. 2nd Edition. Jacob Neumann
8. Read <https://fresh-essay.com/descriptive-essays>

ACKNOWLEDGEMENTS



Ghana Education Service (GES)

